



PL
2461
Z6C43
1798
V.2



詩志卷中

漢郭康成謨 張小同利

趙宣公問曰於成王問官立太師太傅太保茲

伯三公即三公之號官有所任之名成王問

官始則公攝政三年事此則廢是周公攝政

六年時則三公自名稱保起之在前何也


本以冠公左召公在輔師臣初時然矣 東國提此

見其理出於古不美

趙宣公問曰於成王問官立太師太傅太保茲

伯三公即三公之號官有所任之名成王問

官始則公攝政三年事此則廢是周公攝政



Digitized by the Internet Archive
in 2021 with funding from
University of Toronto

鄭志卷中

漢鄭康成謨 孫小同編

趙商問曰按成王周官立太師太傅太保茲
惟三公卽三公之號自有師保之名成王周
官是周公攝政三年事此周禮是周公攝政
六年時則三公自名師保起之在前何也

荅曰周公左召公右兼師保初時然矣
東垣按此條見周禮保氏叙官正義

趙商問腊人掌凡乾肉而有膾胖何

荅云雖鮮亦屬腊人
鑑按此條見周禮腊人正義

趙商問云天子巡守禮制丈八尺純四狶何
荅云巡守禮制丈八尺咫八寸四咫三尺二寸又太
廣四當爲三三八二十四二尺四寸幅廣也古三四
積畫是以三誤爲四也

趙商問司服王后之六服之制目不解請圖
之

荅曰大裘衮衣鷩衣毳衣絺衣元衣此六服皆纁裳
赤舄韋弁衣以黼皮弁衣以布此二弁皆素裳白舄
冠弁服黑衣裳而黑舄冠弁元端褱衣元舄首服副
從王見先王掄翟青舄首服副從王見先公闕翟赤

烏首服副從王見羣小祀鞠衣黃屨首服編以告桑
之服褱衣白屨首服編以禮見王之服祿衣黑屨首
服次以御于王之服六翟三等三烏元青赤鞠衣以
下三屨黃白黑婦人質不殊裳屨烏皆同裳色也

趙商問族師職曰四閭爲族八閭爲聯使之
相保相受刑罰慶賞相及在康誥曰父不慈
子不孝兄不友弟不恭不相及也族師之義
鄰比相坐康誥之說門內尙寬不知書禮是
錯未達旨趣

答曰族師之職周公新制禮使民相共勅之法康誥

之時周法未定又新誅三監務在尙寬以安天下先
後異時各有云爲乃謂是錯

按周禮族師正義引此

問答自族師之義以下其文悉同書康誥正義則謂
周書云父子兄弟罪不相及而周官鄰保以比伍相
及趙商疑而發問鄭答云周禮太平制此爲居殷亂
而言其文與此本迥異蓋撮舉大指不必盡依原文
注疏中類此者不少也

張逸問載師注十八分之十三率之何謂

答曰六鄉之民上地不易家百畝一易家二百畝再
易家三百畝相通三夫六百畝六遂之民上地家百

畝萊五十畝中地家百畝萊百畝下地家百畝萊二
百畝相通三夫而六百五十畝以三分去一之法當
餘十二遂地以有五十畝萊于三分去一乃得十三
釋按周禮載師正義引一易家二百畝作萊易家二
百畝

趙商問載師職云凡宅不毛乃罰以一里布
田不耕者罰屋粟商以田不耕其罪莫重宅
不毛其罰當輕宅不毛乃罰以二十五家之
布田不耕則罰之三夫之稅粟未達罰之輕
重之差云爲之旨
釋按周禮載師正義引此

二 義
云爲之旨四字在未達罰之之下

答曰此法各當罰其事于當其有故何以假他地輕重乎

劉炎問載師職云凡民無職事者出夫家之征閭師職云凡無職者出夫家之征與夫布其異如何

答曰夫家之征者田稅如今租矣夫布者如今算歛在九賦中者也 何按此條見周禮閭師正義九賦作

凡賦

劉炎問閭師職云凡任民任農以耕事貢九

穀下至汪虞凡八貢不道九賦下言凡無職者出夫布注云獨言無職者掌其九賦若此者豈上八貢者復出八賦與無職所出夫布凡爲九將自布賦不同重計八貢未之能審也

荅曰讀天官冢宰職則審矣無職在九賦中今此不言其餘獨言此者此官掌歛賦嫌無職者不審出算故言耳

東垣按此條見周禮問師正義

趙商問調人職稱父之讎辟諸海外君亦然注使辟于此不得就而讎之商以春秋之義

子不復讎非子臣不討賊非臣楚勝之徒猶
言鄭人在此讎不遠矣不可以見讎而不討
于是伐之臣感君恩孝子思其親不得不報
和之而已子夏曰居父母之仇如之何孔子
曰寢苦枕干不仕不與共天下遇諸市朝不
反兵天下尙不反兵海內何爲和之豈宜不
達二禮所趣小子曰惑少蒙解說

荅曰讎在九夷之東八蠻之南六戎之西五狄之北
雖有至孝之心能徃討否乎子之所云偏於此義釋
按此條見周禮調人正義禮記曲禮正義節引荅趙

商云云無末二句

張逸問云鬯人職注云秬如黑黍一稌二米
按爾雅秬一稌二米未知二者同異

東垣按

注云云鬯人序官注

荅曰秬卽其皮其稌亦皮也爾雅重言以曉人更無
異稱也

按詩生民正義謂秬稌古今語異故鄭引爾

雅得以稌爲秬周禮宗伯序官正義謂秬者卽黑黍
之皮稌秬是一秬還是秬皆引此條而疏解之

張逸問籥師注春秋傳曰去其有聲者廢其
無聲者何謂

荅曰廢置也于去聲者爲廢謂廢去不留也

按周禮

宗伯序官正義引此條作于去者謂廢故曰廢禮記檀弓正義作于去聲者爲廢留不去也其文互異

大宗伯職注云顓頊氏之子曰黎爲祝融后土食于火土○趙商問春秋昭二十九年左傳曰顓頊氏之子犁爲祝融其工氏有子曰句龍爲后土祭法曰其工氏之霸九州也其子曰后土能平九州故祀以爲社社卽句龍今云五官之神在四郊其二祀合爲犁食火土者何

荅曰犁爲祝融句龍爲后土左氏下言后土爲社謂
暫作后土無有代者故先師之說犁兼之亦因火土
俱位南方此注云犁爲祝融后土食于火土亦惟見
先師之說也

按周禮大宗伯正義全載此條其文悉

同詩甫田正義兩引鄭志荅趙商云后土爲社謂輔
作社神又云后土轉爲社無復代者故先師之說犁
兼之亦因火土位在南書堯典正義引鄭荅趙商云
先師以來皆云火掌爲地當云犁爲北正詩檜譜又
引云火當爲北則犁爲北正諸所引互異今附識于
此○釋按周禮大宗伯正義引此共工氏有子曰句

龍爲后土下有其二祀五官之神及四郊合爲犂食
后土句節去今云五官之神在四郊其二祀合爲犂
食火土者何句

趙商問太卜職注子春云玉兆帝顓頊之兆
瓦兆帝堯之兆原兆有周之兆又云連山宓
戲歸藏黃帝今當從此說以下敢問杜子春
何由知之

荅曰此數者非無明文改之無據故著子春說而已
近師皆以爲夏殷周同按周禮春官太卜正義兩引
此條一悉同一故著作且從

簪人九簪八曰巫參注參謂筮御與右也○
趙商問僖十五年秦晉相戰晉卜右慶鄭吉
襄二十四年晉致楚師求御于鄭鄭人卜宛
射犬吉皆用卜今此用筮何且此云筮是國
之大事先筮而後卜曲禮注引春秋獻公卜
娶驪姬不吉公曰筮之又尙書龜從筮從請
明所據

荅曰天子具官有常人官非一人故筮有可使者諸
侯兼官無常人故臨時卜之也

按周禮簪人正義引

此條之前先引鄭荅趙商云若武王遷洛盤庚遷殷

之等則卜故太卜有卜大遷之事詩定之方中正義
又引鄭荅趙商云此都邑比于國爲小故筮之所引
不一此本皆未錄今附識以備攷○侗按周禮春官
筮人正義引此求御作求觀具官作其聘兼官作患
官問詞自且此云筮國之大事先筮而後從卜曲禮
注引春秋獻公卜娶驪姬不吉公曰筮之又尙書龜
從筮從請明所據稍易其文置荅詞下

張逸問占夢注云春秋昭三十一年十二月
辛亥朔日有食之是夜也趙簡子夢童子保
而轉以歌旦而日食占諸史墨對曰六年及

此月也吳其入郢乎終亦弗克入郢必以庚辰日月在辰尾庚午之日始有謫火勝金故弗克此以日月星辰占夢者不知何術占之前問不了

荅曰日月在辰尾夏之九月辰在房末有尾星建戌厭庚寅與申對辰與戌對申近庚辰與戌對故知庚辰于上爲客辰下爲主人故午爲主人金侵火故不勝雖不勝卽復故云弗克日有適氣時九月節者以庚午在甲子篇辛亥在甲辰篇也中有甲戌甲申甲午成一月也從庚午以下四日從甲辰至辛亥八日

并之十二日通同四十二日如是庚午之日當在八月十九日故言時得九月節也言雖不勝卽復者以其庚金午火位相連故云雖不勝卽復也言雖不勝者吳君臣爭宮秦救復至不能定楚是其不勝不能損吳是明卽復也

按周禮占夢正義引此是明作是

其○東垣按周禮占夢正義引此辰在房末作庚末節去于上爲客句午爲主人作知爲主人

又問曰何知有此厭對之義乎

荅曰按堪輿黃帝問天老事云四月陽建于巳破于亥陰建于未破于癸是爲陽破陰陰破陽故四月有

癸亥爲陰陽交會十月丁巳爲陰陽交會言未破者
卽是未與丑對而近癸也交會惟有四月十月也若
有變異之時十二月皆有建厭對配之義也鑑按周
禮占夢正義引此未與丑對作未與日對誤

又問曰周之十二月夏之十月口體正應在
析木而云在星紀何

荅曰據此月中有十一月節故舉言之

趙商問周朝而遂葬

原注喪
祝注

則是殯于宮葬

乃朝廟按春秋晉文公卒殯于曲沃是爲去
絳就祖殯與禮記義異未通其說

荅曰葬乃朝廟當周之正禮也其末世諸侯國何能
同也傳合不合當解傳耳不得難經釋按禮記檀弓
云殷朝而殯于祖周朝而遂葬春秋傳晉文公卒殯
于曲沃是行殷制與周制朝而遂葬禮不合故鄭荅
以末世諸侯云云

趙商問巾車職云建大白以卽戎注云謂兵
事司馬職仲秋辨旗物以治兵王載大常下
注云凡班旗物以出軍之旗則如秋不知巾
車大白卽戎爲在何時

荅曰白者殷之正色王卽戎或命將或勞師不自親

將故建先王之正色異于親自將也

釋按周禮巾車

正義引此節去白者二字王卽戎或命將六字史記周本紀武王至紂之死所王射之三發而后下車以輕劍斬紂頭懸于大白之旗雖親將亦不用大常者時猶未有周禮也

趙商問巾車職曰建大麾以田注云田四時田獵商按大司馬職曰四時皆建大常今又云建大麾以田何

荅曰麾夏之正色田雖習載春夏尙生其時宜入兵夏本不以兵得天下故建其正色以春夏田至秋冬

出兵之時乃建大常按以上二條竝見周禮巾車及大司馬正義而王制正義載鄭荅趙商云春夏用大麾秋冬用大常亦節引此條之文。鑑按周禮巾車正義引此以春夏田無夏字至秋冬出兵之時無至字

趙商問曰校人職天子十有二閑馬六種爲三千四百五十六匹邦國六閑馬四種爲二千五百九十二匹家四閑馬二種爲千七百二十八匹商按天子之卿采地食小都大夫食縣不審所由當能其此馬數故禮記家富

不過百乘謂其多也以司馬法論之一甸之
田方八里有戎馬四匹長轂一乘今大夫采
地四甸一甸之稅以給王其餘三甸裁有馬
十二匹今又就校人之職相校甚異何伺按
詩定之方中正義引此節去天子之卿六句
多大夫食縣何由能供此馬句相校甚異作
相覺甚矣裁有馬十二匹周禮校人正義引
作纔詩正義仍作裁古字同也

荅曰邦國六閑馬四種其數適當千二百九十六匹
家有四閑二種又當八百六十四匹今子以何術計

之乎此馬皆君之所制非民之賦畿內百里之國居
四都五十里之國居四縣二十五里之國居四甸而
引天子卿食小都大夫食縣欲何以難又司馬法甸
有戎馬四匹長轂一乘此謂民出軍賦無預于天子
國馬之數事條未理而多紛紜按詩定之方中正義
周禮校人正義並載此問荅各有節省字句

趙商問職方氏掌四夷八蠻七閩九貉五戎
六狄之數注云周之所服國數禮記明堂位
曰周公六年制禮作樂朝諸侯于明堂有朝
位服事之國數夷九蠻八戎六狄五兩禮之

事異未達其數

按禮記明堂位正義引此兩

禮之事異作禮

文事異未達作不達

鏡按

周禮職方氏正義引此兩禮之事異無兩字

荅曰職方氏四夷謂四方夷狄也九貉卽九夷在東方八蠻在南方閩其別也戎狄之數或五或六兩文異爾雅雖有與同皆數耳無別國之名不甚明故不定按周禮職方氏正義引此作或六或五兩文異爾雅惟有其數耳皆無別國之名校未甚明故不定書旅獒正義引鄭荅趙商云戎狄但有其國數其名難得而知與此本及明堂位正義所引竝意同詞異

趙商問大行人職曰凡大國之孤執皮帛所
尊衆多下云其他眡小國之君以五爲節今
此亦五下云諸侯之卿各下其君二等以下
注云公使卿亦七侯伯亦五子男三不審大
國孤五而卿七何

荅曰卿奉君命七介孤尊更自特見故五介此有聘
禮可參之未之思耶反怪此更張擯介又繼小國之
君非私覲也

商又問大行人職曰孤出入三積此卽與小
國同宜應眡小國之君何須特云三積與例

似錯

荅曰三積者卿亦然非獨孤也故不在眡小國之中與例似錯何所據也

趙商問大司馬云師有功則愷樂獻于社春官大司樂云王師大獻則令奏愷樂注云大獻獻捷于祖不達異意

荅曰司馬云師大獻則獻社以司馬主軍事之功故獻于社大司樂宗伯之屬宗伯主于宗廟之禮故獻于祖也按周禮大師樂大司馬正義並引此各有節省字句

趙商問臬氏爲量槩而不稅塵人職有稅何

荅曰官量不稅

東垣按此條見周禮臬氏正義

趙商問司弓矢注云凡矢之制矰矢之屬七分三在前四在後按矢人職曰田矢五分二在前三在後注云田矢謂矰矢數不相應不知所裁

荅曰田矢謂矰矢此先定後云此二矢亦可以田頃若少疾此疏初在篋筭之間屬錄事得之謹荅

侗按

此條見周禮矢人正義

趙商問郊特牲社祭土而主陰氣大宗伯職

曰王大封則先告后土注云后土土神也若此之義后土則社社則后土二者未知云何敢問后土祭誰社祭誰乎

荅曰句龍本后土後遷之爲社大封先告后土元注云后土土神不云后土社也

鑑按此條見詩甫田正義

義

田瓊問周禮大封先告后土注云后土社也前荅趙商曰當言后土神言社非也檀弓曰國亡大縣邑或曰君舉而哭于后土注云后土社也月令仲春命民社注云社后土中庸

云郊社之禮所以事上帝也注云社祭地神
不言后土省文此三者皆當定之否

荅曰后土土官之名也死以爲社社而祭之故曰后
土社句龍爲后土後轉爲社故世人謂社爲后土無
可怪也欲定者定之亦可不須

按周禮大宗伯正義

引鄭荅田瓊云后土古之官名死爲社而祭之故曰
后土社句龍爲土官後轉爲社世人謂爲后土無可
怪視此條詞省而意同○東垣按此條見詩甫田正
義

張逸問曰以血祭祭五嶽以埋沈祭山川不

審五嶽亦當埋否

荅曰五嶽尊祭之從血腥始何嫌不埋

按詩鳧鷖正

義引此條之下又謂爾雅釋天云祭山曰廢懸不言埋張逸亦引以問而鄭荅曰爾雅之文雜不可盡據以難周禮其說似連及而此本未錄載今附識之○

釋按爾雅祭山曰廢縣廢卽瘞字之義南山經瘞用一瑋西山經瘞用百瑜北山經瘞用一珪東山經瘞用一璧周禮大宗伯注云祭山林曰埋史記正義引孔文詳云宋宋會稽修禹廟于廟廷山土中得五等圭璧百餘枚形與周禮同皆短小此卽禹會諸侯于

會稽執以禮山神而埋之以此知祭山必埋玉而庶
之爲瘞也瘞卽大宗伯以貍沈祭山林川澤之貍

趙商問周禮設六祈之科禱禳而祭無不祈
敢問禮記祭祀不祈何義也

荅云祭祀常禮以序孝敬之心當專一其志而已禱
祈有爲言之主于求福豈禮之常也

趙商問咫尺長八寸四八三十二幅廣三尺二
寸太廣非其度

荅云古積畫誤爲四當爲三三咫則二尺四寸矣按
此與本卷第三條趙商問云天子巡守禮以下之文

及周禮內宰正義質人正義所引之文相似而較覺簡明又儀禮覲禮四享皆束帛加璧注四當爲二古書作三四或皆積畫云云其大意亦可互證

禮運注周禮五齊五曰沈齊澄與沈蓋同物也按酒正注澄酒是三酒二注不同趙商疑而致問

荅云此本不誤轉寫益澄字耳

按禮運正義引此益

澄作益沈周禮酒正正義引趙商問禮運注澄是沈齊今此注澄酒是三酒何鄭荅今解可去澄字其文與此稍異而賈逵謂鄭本于此注時直云酒是三酒

無澄字有澄字者誤然則此條所云轉寫益澄字正
與可去澄字之意相發明未可因益齊沈齊見于周
禮而易鄭志之益字爲益字也。○侗按益澄之澄毛
本仍作澄

坊記云醴酒在室醕酒在堂澄酒在下示不
淫也。○注以澄爲清酒田瓊疑而致問

荅云禮運云醴醕醕澄各是一物皆不言酒故推其
意澄爲沈齊酒爲三酒坊記云醴也醕也澄也皆言
酒故因注云澄酒清酒也其實沈齊也 東垣按禮記
禮運正義引此各是一物皆不言酒作皆是一物各

不言酒

莊二十二年傳云飲桓公酒者桓公至敬仲之家而敬仲飲之酒也

荅張逸云時桓公館敬仲若哀公館孔子之類鑑按此條見詩湛露正義

趙商問曰經曰閏月不告朔猶朝于廟穀梁傳云閏月附月之餘日喪事不數又哀五年閏月葬齊景公公羊傳云閏月不書此何以書喪以閏數喪數略也此二傳義反于禮斷之何就

荅曰居喪之禮以月數者數閏以年數者雖有閏無預于數也

荅弟子孫皓問曰西陸朝覲謂四月立夏之時周禮夏班冰是也按春秋昭四年傳正義引鄭荅其弟子孫皓與此同益見詩七月正義以鄭志爲吳志之誤

昭十三年傳曰鄭伯男也賈逵以爲鄭伯爵在男畿距王城三百餘里釋按春秋昭十三

年正義引賈逵云男當作南謂南面之君也

與此所引賈說異

荅趙商云此鄭伯男者非男畿乃謂子男也先鄭之

于王城爲在畿內之諸侯雖爵爲侯伯周之舊俗皆食子男之地故云鄭伯男也

趙商問曰曲禮云己孤暴貴不爲父作謚而武王卽位追王太王王季文王改謚爵何也

荅曰周道之基隆于二代功德山之王迹興焉凡爲人父豈能盡賢乎若夏禹殷湯則不追謚矣

按曲禮

正義引此二代作二王豈能盡賢脫盡字則不追謚正矣作則不然矣其文稍異○東垣按此條又見通典及王圻謚法通攷

張逸問禮注曰書說書說何書也

莫二八
荅曰尚書緯也當爲注時時在文網中嫌引祕書故
諸所牽圖讖皆謂之說

按皆謂原本作皆爲今據禮

記檀弓正義校正○鑑按毛本仍作爲

荅臨碩曰孟子當赧王之際王制之作當在其後
此見禮記目錄正義下見王制正義作荅林碩刊本
互異○釋按臨或作林誤後漢書鄭康成傳孔融傳
皆作臨說見卷下

又云王畿方千里者凡九百萬夫之地三分去一定
受田者三百萬夫出都家之田以其餘地之稅祿無
田者下士食九人中士食十八人上士三十六人下

大夫七十二人中大夫百四十四人卿二百八十八人

王制注云所因殷之諸侯亦以功黜陟之其不合者皆益之地爲百里焉是以周世有爵尊而國小爵卑而國大者○張逸疑而不解以問

荅曰設今有五十里之國于此無功可進無過可退亦就益其地爲百里之國爵尊而國小者若虞虢之君爵爲公地方百里爵卑而國大者侯四百里伯三百里子男二百里皆大于虞虢

孫皓問云諸侯五年再相朝不知所合典禮
荅云古者據時而道前代之言唐虞之禮五載一巡
守夏殷之時天子蓋六年一巡守諸侯間而朝天子
其不朝者朝罷朝五年再朝似如此制禮典不可得
而詳何按禮王制正義及玉海引唐虞之禮二句

王制曰喪三年不祭惟祭天地社稷爲越紼
而行事

荅田瓊云天地郊社至尊不可廢故越紼祭之六宗
山川之神則否又云五祀宮中之神喪時朝夕出入
所祭不爲越紼也天地社稷之祭豫卜時日今忽有

喪故既殯越紼行事若遭喪之後當天地郊社常祭之日其啓殯至于反哭則避此郊社祭日爲之

玉藻注云四命以公齊祭異冠○趙商問云以雜記云大夫冕而祭于公弁而祭于己士弁而祭于公冠而祭于己是爲三命以下齊祭異冠何但四命以上也觀注似若但施于已祭不可通之也

荅曰齊祭謂齊時一冠祭時亦一冠四命乃然大夫冕士弁而祭于君齊時服之祭時服之何以亦異

張逸問曰明堂注犧尊以莎羽爲畫飾前問

曰犧讀如沙沙鳳凰也不解鳳凰何以爲沙

荅曰刻畫鳳凰之象于尊其形婆娑然或有作獻字

者齊人之聲誤耳

釋按詩魯頌犧尊將將傳云犧尊

有沙飾也春官司尊彝作獻尊鄭司農云獻讀爲犧

儀禮大射儀兩壺獻酒注獻讀爲沙禮記明堂位周

獻豆注獻疏刻之正義曰獻音娑娑是希疏之義故

爲疏刻之又郊特牲汁獻注獻讀爲莎漢書王莽傳

立斗獻師古曰獻音犧是莎沙犧獻音義皆通

趙商問祭法云大夫立三廟曰考廟曰王考

廟曰皇考廟注非別子故知祖考無廟商按

王制大夫三廟一昭一穆與太祖之廟而三
注云太祖別子始爵者雖非別子始爵者亦
然二者不知所定

荅云祭法周禮王制之云或以夏殷雜不合周制東垣按此條見禮記王制正義

王瓚門曰舉于旌首當以皮耶盡之也

荅曰皆俱舉皮置于首不盡

趙商問曰說者謂天子廟制如明堂是爲明
堂卽文廟耶

荅曰明堂主祭上帝以文王配耳猶如郊天以后稷

配也

釋按此條見南齊書禮志

荅張逸曰鉅鹿今名廣河澤

侗按此條見詩殷正義

鄭志卷中

卷之五
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

